

ՏԵՂԵԿԱՏՎՈՒԹՅՈՒՆ

ՀՀ ԱՆ «Ս. Ավդալբեկյանի անվան առողջապահության ազգային ինստիտուտ»
ՓԲԸ արտադրանքի սերտիֆիկացման մարմնի գործունեության վերաբերյալ
բողոքների և գանգատների քննարկման կարգի մասին

ՀՀ ԱՆ «Ս. Ավդալբեկյանի անվան առողջապահության ազգային ինստիտուտ»
ՓԲԸ արտադրանքի սերտիֆիկացման մարմնի (այսուհետ՝ ՍՄ) կողմից բողոքների և
գանգատների մասին տեղեկատվությունը էլեկտրոնային փոստի միջոցով
տրամադրվում է հայտատուներին, սպառողներին և այլ հետաքրքրված կողմերին:

ՍՄ-ի կողմից մշակվել և սահմանվել է գանգատներին և բողոքներին
արձագանքման կարգը՝ համաձայն MP 07.01 «Բողոքներ և գանգատներ»
կառավարման համակարգի ընթացակարգի, որը համապատասխանում է ԳՕՍՏ
ԻՍՕ/ԻԷԿ 17065-2013 ստանդարտի պահանջներին:

Համաձայն MP 07.01 «Բողոքներ և գանգատներ» կառավարման
համակարգի ընթացակարգի բողոք կամ գանգատ ստանալուց ըստ գործընթացի
կատարման ժամանակացույցի ձևավորվում է բողոքարկման/գանգատարկման,
անկողմնակալության ապահովման խումբ (այսուհետ՝ Խումբ):

Գանգատը կամ բողոքը ՍՄ կարող է ներկայացվել գրավոր՝ փոստային
առաքմամբ, էլեկտրոնային փոստով կամ առձեռն: Բողոքին կամ գանգատին պետք է
կցել դրան առնչվող փաստաթղթերը կամ դրանց պատճենները:

Խմբին փաստաթղթերը ներկայացվում են ոչ ուշ քան նիստից մեկ շաբաթ
առաջ:

Բողոքարկումը /գանգատը քննարկվում է Խմբի կողմից անցկացվելիք նիստի
ժամանակ՝ այն ստանալուց ոչ ուշ քան 15 օրվա ընթացքում: Կայացված նիստի
ժամանակ բողոքը քննարկվում է, ընդունվում որոշում, անհրաժեշտության դեպքում
նշանակվում ուղղիչ գործողություններ և կազմվում արձանագրություն, որից հետո
պատասխան գրություն է ուղարկվում բողոք կամ գանգատ ներկայացնող անձանց:

Հայտատուն իրավունք ունի մասնակցելու Խմբի նիստին և հայտնել իր կարծիքը:

Գանգատների/ բողոքների քննարկման և որոշումների կայացման համար
պատասխանատու է ՍՄ-ի բողոքարկման/գանգատարկման, անկողմնակալության
ապահովման խումբը:

Պետք է նշել, որ բողոքները ներկայացնում են միայն Հայտատուները/
Պատվիրատուները և այն որպես կանոն կապված է ՍՄ-ի գործունեության հետ, իսկ
գանգատները կարող են ներկայացնել ցանկացած անձանց կողմից, այդ թվում
սպառողներից և այլ հետաքրքրված կողմերից: Գանգատը ստանալուց հետո ՍՄ-ն
հաստատում է, արդյոք այն վերաբերվում է ՍՄ-ի կողմից իրականացվող
համապատասխանության գնահատման աշխատանքների գործընթացին, եթե ոչ,
ապա այն չի էլ քննարկվում և գրավոր կերպով մերժվում է՝ մերժման պատճառի
հիմնավորմամբ:

Գանգատի քննարկմանը չեն մասնակցում գանգատի առարկայի հետ
առնչվող՝ այն ներկայացնող անձիք: